

中山圖書館惠存

圓瑛法彙

(下冊)

仁王護國般若波羅密經

義贈

林森題



圓瑛法彙之一

仁王護國經講義

上卷 下卷 兩冊

中華民國二十四年二月初版

◎每部定價大洋五角
(外埠酌加郵匯費)

講演者 圓瑛法師

出版者 佛學書局 表代 沈彬翰

印刷者 國光印書局
上海南成都路新大沽路 電話三三七四三

總發行所 上海佛學書局
愚園路一五四號 電話三五五二四

分發行所 佛學書局分局

- (一) 上海滬西·麥特赫司脫路
- (二) 上海關北·新平街
- (三) 上海中區·望平街
- (四) 湖南長沙·玉泉街
- (五) 浙江杭州·東西湖
- (六) 河北平西·龍南大街

分銷處 各埠佛經流通處

國圖

佛說仁王護國般若波羅密經講義卷下

四明天童宏法禪寺沙門圓瑛述

護國品第五

前如來入定放光。現不思議事。後從定起。知十六大國王意。欲問護國因緣。佛先爲說護佛果因緣。護十地行因緣。此品方明護國。前爲內護。此爲外護。因內護旣彰。故外護當顯。夫國者。衆生共業所感之果報土也。國運之興替。皆以人心爲轉移。若上自王者。下及人民。各各能順般若正理。則舉國無爭。若全世界人類。能順般若正理。則全世界無爭。般若正理。乃明真空。離一切相。無我相。無法相。無衆生相。無國土相。亦無能護所護之可言。今言護國者。依俗諦門中。隨緣建立世界衆生。乃有人我之見興焉。彼此對待。封疆各立。互愛其羣。互尊其國。故有鬥爭侵略之事起。人心日積。

國圖

日漓。世道愈趨愈下。僉欲益己。不顧損他。人與人爭。國與國戰。以致國界不得安甯。人民日受痛苦。可見世界之擾亂。皆由人心所造成。故佛說此經。以挽救人心。爲護持國土。人心能順般若正理。宏揚般若大教。則稱可佛心。天龍鬼神。咸生歡喜。願護國土。故說此品。

爾時佛告大王。汝等善聽。吾今正說護國土法用。汝當受持。般若波羅密。

佛告大王。雖告匿王。卽併告十六大國王。誠以汝等善聽者。冀其皆能耳聞心領也。吾今正說法用者。明護國行法用力。勸令受持般若。

當國土欲亂。破壞劫燒。賊來破國時。

此論須護時節。人心不順般若正理。則百善不成。諸聖隱匿。七難將起。災

害迭生。國土欲亂。國王若不脩德禳災。必至破壞國土。如同劫燒。難以保存。劫燒者。乃大三災。劫火洞然。大千燒壞也。賊來破國。賊有內賊外賊。外賊即叛國之賊。有欲破壞國家。內賊即王民心中煩惱之賊。各各擾動。違般若正理。釀成破國之時。劫時。即當護之時。

當請百佛像。百菩薩像。百羅漢像。百比丘衆。四大衆。七衆共聽。請百法師。講般若波羅密。

此明護國行法。先請三寶。佛像是佛寶。般若是法寶。餘皆僧寶。四大衆者。影響衆。當機衆。發起衆。結緣衆。七衆者。比丘。比丘尼。式叉摩尼。沙彌。沙彌尼。優婆塞。優婆夷。後五衆亦未來僧寶。三寶是大福田。先請者。乃祈求福力加被。禳除災難也。七種皆用百數者。以百爲滿數故。

百師子。吼高座前。燃百燈。燒百和香。百種色華。以用供養。

三寶。三衣什物。供養法師。小飯中食。亦復以時。

次脩供養。一師子座。座以師子名。表說法無畏。燈能破暗。以表智。香能辟穢。以表戒。華能結果。以表因。用此供養三寶。

三衣什物。供養法師者。三衣。一僧伽黎。此云雜碎衣。卽大衣。有九品。上三品。四長一短。中三品。三長一短。下三品。二長一短。二鬱多羅僧。此云入衆衣。亦二長一短。三安陀會。此云作務衣。一長一短。什物。卽鉢具等諸物。以供養法師。小飯中食。亦復以時。小飯。卽小食。中食者。中午之食。亦復以時而進。不得過午。以表事師之誠。

大王。一日二時講經。汝國土中有百部鬼神。是一一部。復有百部樂聞是經。此諸鬼神。護汝國土。

此明感護。二時分午前午後。能講此經。必得感護。

汝國土中。有百部鬼神者。按金銀仙人義經云。鬼神根本有十部。一大神部。至十羅刹神部。一一部各有十部。故云百部也。

一一部復有百部者。合成萬部。彼等樂聞是經。若能講演。故感擁護。令無七難。七難既無。可以常時講演。常得聞法也。

大王國土亂時。先鬼神亂。鬼神亂故。萬民亂。賊來劫國。百姓亡喪。君臣太子。王子百官。共生是非。天地怪異。二十八宿。星道日月。失時失度。多有賊起。

此明七難俱起。國土亂時。先由鬼神亂。鬼神不聞正法。惡心增長。所以擾亂。因鬼神亂故。惱亂萬民。所以萬民復亂。惡賊而來。劫奪國土。百姓因而死亡殂喪。此屬鬼神難。與劫賊難。

君臣太子。王子百官。共生是非者。因人我意見分歧。上下利祿是競。故致互生是非。彼此不睦。以爲禍國之因。此屬君臣難。

天地怪異者。由人心不善。致傷天和。致感地震怪異。卽風雨愆期。江河汎溢等。種種不祥之災象見焉。

二十八宿星道日月失時失度者。天上星宿極多。二十八宿以爲其主。東方七宿。角亢氏房心尾箕。南方七宿。井鬼柳星張翼軫。西方七宿。奎婁胃昴畢觜參。北方七宿。斗牛女虛危室壁。星道卽金木水火土五星。與太陽太陰之日月。度數錯亂。時候失準。故曰失時失度。天象之顯現。以應人間之災兆。故多有賊起。如月暈七重。漢明帝有重圍之難等。此屬星宿難。

大王。若火難。水難。風難。一切諸難。亦應講此經。法用如上說。

火難。水難。風難。爲三災。此非大三災。若大三災。不獨一國受難。劫火洞然。能燒初禪。水淹二禪。風掃三禪。此之三災。但此國受。彼國不受。一方見。他方不見。此屬小三災難。一切諸難。總括之詞。如遇七難起時。亦應講此經。法力之功能。亦如上說。此明護國行法竟。

大王不但護國。亦有護福。求富貴官位。七寶如意。行來求男女。求慧解。名聞。求六天果報。人中九品果報。亦講此經。法用如上說。

此明般若法用。不但護國。亦有護福。能護臣民。令得九福。求富得富饒。求貴得官位。求七寶。金。銀。琉璃。玻瓈。琺瑯。赤珠。瑪瑙。是爲七。所求如意。求行來。卽行止去求。安樂無病。或求男女。或求慧解。或求名聞。或求六天果報。得生欲界。或求人中九品者。上中下三品。各分三品。合爲九品。上上品道。

種性。金輪王。上中品性種性。銀輪王。上下品習種性。銅輪王。中上品鐵輪王。中中品粟散王。中下品小國王。下上品利利大姓。下中品婆羅門。下下品居士等。諸果報。亦講此經。法用皆如上文所說。

大王不但護福。亦護衆難。若疾病苦難。杻械枷鎖。檢繫其身。破四重罪。作五逆因。作八難罪。行六道事。一切無量苦難。亦講此經。法用如上說。

此明般若法用。不但護福。亦護衆難。先病難。次刑難。杻械枷鎖。是刑具。在手曰杻。在足曰械。在項曰枷。練身曰鎖。檢者。封檢繫者。繫縛。以身閉囹圄。不得自由。

破四重罪者。指殺盜淫大妄語。四重律儀。破之必獲重罪。作五逆因者。一弑父。二弑母。三弑阿羅漢。四破轉法輪和合僧。五出佛身血。作此五逆重

罪。必墮五無間地獄。作八難罪。行六道事。八難。不出六道。三途爲三難。四生在佛前佛後難。五生邊地難。六盲聾瘖啞難。七世智辯聰難。八生長壽天難。

一切無量苦難者。總括其餘。亦講此經。法用亦如上說。若講此經。仗此般若經。功法力。能滅衆難。問般若一經。何以能滅衆難。答般若如火能燒衆薪。如燈能破諸暗。雖無間重罪。亦不難滅除矣。

當知斯經。雖有滅罪之功。切不可故作四重五逆。三途等罪。而求倖免。講讀此經。須依般若智以常明。自可宿罪消除。新罪不作矣。以上明護國行法已竟。

大王。昔日有王。釋提桓因。爲頂生王。來上天。欲滅其國。時帝釋天王。卽如七佛法用。敷百高座。請百法師。講般若波

法苑珠林

撰圖

羅密頂生卽退。如滅罪經中說。

此引古爲證。先引帝釋天。證明般若能護國土。從昔有天羅國下。證明般若能護身命。釋提桓因。譯爲能爲主。賢愚經頂生王品云。於過去世。有大國王名善住。時頂上歛生一胞。其形如璽。後漸轉大。一日豁開。便得童子。甚爲端正。頭髮紺青。身紫金色。卽召相師占。知有大德。必爲聖王。統領四域。因立名字頂生。年已長大。其德遂著。父王旣崩。諸王臣等。願付國位。頂生答言。有福應爲王者。要令四王及帝釋來相迎。爾乃登位。立誓已竟。四天王下。各持寶瓶。盛滿香水。以灌其頂。時天帝釋復持寶冠。來爲蓋之。於閻浮提。五欲自恣。經八萬四千歲。時夜叉神。從地湧出。請遊東洲。西洲。上四天王天。復領象馬車步四軍。昇忉利天。諸天怖畏。王城重關。頂生兵衆。直趣不礙。帝釋尋出。與共相見。自請入宮。與共分座而坐。天上受欲。頂生

出。遂發惡心。欲滅帝釋。

帝釋天王。卽如七佛法用者。如卽依也。敷百高座。請百法師。講般若波羅密。此卽七佛法用。帝釋依而行之。頂生王卽退兵。如滅罪經中說者。卽涅槃經第十二說。

大王昔有天羅國王。有一太子。欲登王位。一名班足太子。爲外道羅陀師受教。應取千王頭。以祭塚神。自登其位。已得九百九十九王。少一王。卽北行萬里。卽得一王。名普明王。

此證明般若。能護身命。昔有天羅國王。有一太子。因足班駁。名曰班足。欲登王位。禮外道羅陀爲師。卽受其教。外道曰。塚間有神。名摩訶迦羅。此譯大黑。係天神。若禮彼神。可以增加威德。舉事如意。戰則勝。攻必取。唯其饗

卷

國

祀之物。非人之血肉不可。太子應取千王之頭。以祀塚神。而神必愈加護佑也。班足聞信邪說。卽起惡念。自登位以來。已捉得九百九十九王。惟少一王。卽北行萬里。復捉得一王。名普明王。千數已滿。欲行殺祭塚神。

其普明王。白班足王言。願聽一日。飯食沙門。頂禮三寶。其班足王許之一日。

此普明王乞假踐信。時普明王泣曰。生平持戒。今日失信。班足問言。汝有何信。普明王白班足王言。我允人布施。願聽一日。飯食沙門。頂禮三寶。班足王遂許一日之假。語曰。放汝行施。事畢就我。普明王歡喜。遠歸本國。作大施會。

時普明王。卽依過去七佛法。請百法師。數百高座。一日二

時。講般若波羅密。八千億偈竟。

普明歸國。即依過去七佛般若行法。請僧講讀般若經。

其第一法師。為王即說偈言。

劫燒終訖。乾坤洞然。須彌巨海。都為灰颺。

天龍福盡。於中凋喪。二儀尚殞。國有何常。

其第一法師。即百法師中。道高德重之人。為普明王說偈開示。共說八偈。無常。苦。空。無我。各二偈。先說無常偈。

劫燒者。梵語劫波。此云時分。有大劫。中劫。小劫之分。吾人所依住之世界。有成住壞空四劫。按人壽。從十歲。過百年。增一歲。增至八萬歲。有云八萬四千歲。增極。則過百年。減一歲。減至十歲。一增一減。為一小劫。二十番增

國

國

減爲一中劫。成住壞空各二十小劫。合八十小劫爲一大劫。此世界壞時。大三災起。先火災。有七日出現。江海枯竭。山石爆火。焚燒宇宙。曰劫燒。終訖者。劫火燒時。一切終盡。初禪天以下俱壞。故曰乾坤洞然。須彌巨海。都爲灰颺者。梵語須彌。此云妙高。四寶所成。曰妙。迴出羣峯。曰高。世界山之最大者。巨海水之最深者。劫燒時。都爲灰颺。天龍福盡。於中凋喪者。火災燒至初禪。初禪以下。天人及天龍。山龍。海龍等。其福都盡。於中凋喪。凋喪卽死亡也。二儀尙殞。國有何常者。二儀一陰一陽。能生能成。名爲二儀。尙且殞滅。世間國土。有何常住之可言。當知諸法無常。無可愛樂。

生老病死。

輪轉無際。

事與願違。

憂悲爲害。

欲深禍重。

瘡疣無外。

三界皆苦。

國有何賴。

此二偈明苦中有八苦。首句具四苦。生居胎獄。老爲衰變。病時悲痛。死則殞滅。由生而老。而病而死。輪轉不休。死而復生。生而復死。死死生生。無有邊際。未證聖果。莫能解脫。

事與願違者。卽愛別離苦。求不得苦。大凡恩愛。欲合偏離。若有所求。不得如意。俱屬事與願違。憂悲爲害者。冤憎會苦。世間冤家。欲離偏合。會者合也。如眷屬中。同事中。冤憎聚會。無法可避。每日憂愁悲惱。恐爲陷害。

欲深禍重。瘡疣無外者。五陰熾盛苦。衆生五陰煩惱。熾然焚燒。妄起貪著。貪著五欲之心。既深。其受禍害之報必重。如生瘡疣。必由自身有毒氣。方生。能生所生。皆不離於身外。毒氣喻貪欲。瘡疣喻禍害。自作自受。故曰無外。

三界皆苦。國有何賴者。三界依正。無非是苦。欲界五趣是苦苦。六欲天。初二三禪。是壞苦。第四禪及四空。是行苦。諸天三界。尙且無安。人間國土。穢